

LEHLUAN

Ki peipei in, kipei lualianga kipei khial cihpian zong
ngaihsut huai,
Zubuai sabuai a abuaite zong,
Vainunung guahsia in lapcih tuakthei phadeuh hi e.
Guahtai laploh dinga, a tainuam hi napi in,
Tuukguah nuai ah meicih zolo thei lai lai maw.
Aisa pheipai simmawh vial a kinei,
Bilpi leh sumkuang taikidem peuh kibangthei hi mai veh
aw.
Thankik atuannazui a, amel kikhel ihcih vial leh,
Tuanna neilo mihingte zong, amelkikhel ziauziauthei hi
veh aw.
Sialtat nunga sialdai kai aki cih hang, sial in phulnawnlo in,
Septak zaw aci zong om veve sam e maw.
Pu pa zogam tuun nu zogam cih hangzong,
Keenliang aw e, hihsang gamzaang nuamzaw dang
ommah ding hiven maw ci a,
Athuumthuum atautau zong kitam veve hi e maw.
Lianu zongzaw tholah e, siktui kuangzawn dimlah e,
Taangpa zongzaw tholah e gualphai lenna phalah ki ci e,
Heina peuh nuam, tuanna peuh kip in, lenna peuh
thalbangzang leng ,
Eizong US kumpi sem ve ni e.
Lailung gellua leng, sunggil kiallua thei ven maw,
Anglai pomlua leng, aikuang ki umthei dingdan hi zel e,

Aw aw ...leitung leitung...

Galin don leng lenmui kaai e cih pian nung, lupmun tung, zanpuan
kawmpa hi lel di cih dan maw.